



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 24. Canones de Sacramentis.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

Sæculum IX.
A. C. 829.

tasset, Principis animum sibi adeo conciliavit, ut ei in Palatio docendi munus & inter viros, quos ad consilium vocare solebat, locum dederit. Aldricus etiam Pipini Regis Aquitaniæ Cancellarius fuit; at deinde Abbas Ferrariensis electus ad illud Monasterium rediit, unde ad regendam Ecclesiam Senonensem invitatus assumptus est. Hanc Sedem annis decem tenuit, Sanctis post mortem adscriptus.

Bibl. PP.

Freculfus Lexoviensis, olim Monachus Fuldensis, eximiæ Doctrinæ laudatus floruit. Habemus ab ipso Chronicum seu Compendium Historiæ Universalis in duas partes divisum. Primam divisit in libros septem, a creatione Mundi usque ad Jesum Christum, inscripsitque Helisacaro Abbati Centulensi, olim Magistro suo, qui se ad concinnandum hoc opus excitaverat. Partem secundam inscripsit Judithæ Imperatrici, ad erudicendum principem adolescentem Carolum filium ejus. Dividitur ea pars in libros quinque, & a Jesu Christo usque ad S. Gregorium, seu annum circiter sexcentimum perducitur.

§. XXIV.

Canones de Sacramentis.

Acta Concilii Parisiensis dividuntur in tres libros, quorum primus articulos

los quinquaginta quatuor, plerosque ve-
 terum Canonum auctoritate nixos com-
 plectitur. In articulo tertio dicitur;
 Ecclesiam a duabus potestatibus Sacer-
 dotali videlicet & Regali gubernari, &
 deinde de Officiis Episcoporum, id est,
 de tota Religione agitur. De Baptismo
 dicit Concilium; Fide Christiana ubi-
 que inuenta, cum parvuli baptizentur,
 antequam ad maturam ætatem perve-
 niant, necesse est, ut quod in imbecilli
 ætate nequiverunt, postea discere sata-
 gant. Quod quia ab usu recessit pro-
 pter quorundam incuriam, satis deseri
 non potest. Nempe quod infantes in
 Catechesi non instruerentur. Multi
 præstituta a Canonibus tempora ad Ba-
 ptismum conferendum partim ignoran-
 tia partim præsumptione non servant
 (videlicet Festa Paschæ & Pentecostes)
 quisquis igitur hanc constitutionem vio-
 laverit, nisi emendaverit, factum non
 fore impunitum sciat. Non admittan-
 tur ad suscipiendos e Sacro fonte alios,
 qui rudes sunt, quia erudire illos tenen-
 tur, pro quibus in Baptismo Fidejussores
 coram Deo extiterunt. Illi quoque, qui
 pœnitentiam publicam agunt, ad offi-
 cium Patrini nec in Baptismo, nec in Con-
 firmatione admittantur.

Ab ordinibus Ecclesiasticis excludan-
 tur, qui in ægritudine, vel quocunque
 alio

Sæculum IX.
 A. C. 829.

c. 6.

c. 7.

c. 5.

c. 8.

Sæculum IX. alio modo contra Canones, (id est ex
 A. C. 829. tra tempus præscriptum) baptizati fue-
 runt.

c. 33.

Confirmatio illis solum diebus
 in quibus baptizare licet, conferatur, ne-
 unquam Episcopi, nisi urgente necessi-
 tate, post perceptionem cibi & potus
 per manuum impositionem Spiritum San-
 ctum tradant.

c. 47.

Presbyteri, sub pœna Depositionis
 relictis Ecclesiis Deo consecratis in do-
 mibus aut hortis Missam non celebrent,
 quamvis adsint oratoria extructa & ad
 id ipsum ornata. Præstat Missæ non in-
 teresse, quam interesse in tali loco, in
 quo non licet. Atqui non licet Missam
 celebrare extra Ecclesiam nisi in itinere,
 si Ecclesia longe distet. Tunc enim id
 necessitas exigit, ne populus Missa &
 Communionem privetur. Sed & tunc
 quoque super Altare ab Episcopo con-

Deut. 12. 13.

secratum Sacris faciendum est. Lege
 non permittitur holocausta offerre in
 omni loco, sed solum in eo, quem elegerit
 Dominus. Prohibetur etiam, ne
 Presbyteri Missam soli celebrent. Unde
 dispicimus, Missas privatas & voce de-
 missiore frequenter celebrari cœpisse.

c. 48.

Complures Sacerdotes, inquit Con-
 cilium, sive ex socordia, sive ex igno-
 rantia pœnitentibus alias pœnitentiis,
 ac Canones præscribunt, injungunt, ha-
 bentque quosdam libellos, quos pœnitenti-
 ales

tiales vocant. Hinc omnes statuimus, ut quilibet Episcopus in sua Diœcesi Sæculum IX.
A. C. 829.
bos libellos depravatos solerter conquiri jubeat, & in ignem mitti, ne Presbyteri rudes iis ad fallendos Fideles amplius utantur. Idem Presbyteri ab Episcopis suis accurate edoceantur, quam prudenter & discrete, qui confitentur, interrogandi sint, & quis modus in pœnitentiis injungendis tenendus. Hactenus enim Presbyterorum culpa multa crimina non sine maximo animarum periculo fuere impunita. Illud maxime inculcatur, ut novi Libelli pœnitentiales rejicerentur, quibus pœnitentes vana spe lactabantur, sed servaretur veterum Canonum rigor in reprimenda impudicitia abominanda, tunc vitio communi & pervagato. Nemo ad confitendum Monasteria adeat. Monachi Presbyteri neminem nisi Monachos suæ Congregationis confitentes audiant. Quilibet illi confiteatur, qui potestatem habeat ipsi pœnitentiam Canonicam injungendi, & si Episcopus jubeat, reconciliandi. Hic dispicimus, quomodo pœnitentiæ rigor, privatorum ignorantia & temeritate, cœperit relaxari.

§. XXV.

Canones ad Clericos pertinentes.

Abusus perniciosus esse putatur, quod c. 26.
Hist. Ecclesiast. Tom. XI. Q per c. 20.